



SLUŽBENI GLASNIK OPĆINE TEŠANJ

IZDAVAČ: Općinsko vijeće Tešanj UREĐUJE: Stručni odjel Općine Tel. 032/650-022 Trg Alije Izetbegovića 11, 74260 Tešanj E-mail: sajda.klepica@opcina-tesanj.ba	Godina XLIX - Broj 7 Ponedjeljak, 22.08.2016. godine TEŠANJ	ŠTAMPA: Općina Tešanj Priprema: Sajda Klepić, Tehnički sekretar Vijeća "Službeni glasnik" izlazi po potrebi
--	--	---

Na osnovu člana 66., 67. i 68. stav 2. Zakona o vodama ("Službene novine Federacije Bosne i Hercegovine", broj: 70/06), članom 40. stav 2. Zakona o vodama ("Službene novine ZE-DO kantona", broj 17/07), članom 11. stav 1. tačka e) Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnadbijevanje stanovništva ("Službene novine Federacije Bosne i Hercegovine", broj: 88/12) i člana 14. Statuta Općine Tešanj («Službeni glasnik Općine Tešanj», broj: 11/07), Općinsko vijeće Tešanj na svojoj 43. sjednici, održanoj dana 15.08.2016. godine, donosi

ODLUKU

o zaštitnim zonama i zaštitnim mjerama za izvorište "TEŠANJSKI KISELJAK" općina Tešanj

I OPĆE ODREDBE

Član 1.

(1) Ovom Odlukom utvrđuju se granice zone sanitarne zaštite, zaštitne mjere te izvori i način finansiranja zaštitnih mjera za izvorište "Tešanjski kiseljak", nadzor nad provođenjem ove odluke i kaznene odredbe za povredu odredaba ove odluke.

(2) Ova odluka donosi se u cilju zaštite izvorišta "Tešanjski kiseljak" od svih vidova zagađenja i štetnih uticaja koji mogu nepovoljno djelovati na zdravstvenu ispravnost vode za piće ili na izdašnost izvorišta.

Član 2.

(1) Odredbe odluke o zonama sanitarne zaštite i zaštitnim mjerama za izvorište "Tešanjski kiseljak" odnose se na zaštitu izvorišta iz kojeg se vrši

eksploatacija vode za potrebe flaširanja mineralne vode.

II ZAŠTITNO PODRUČJE

Član 3.

(1) Zona sanitarne zaštite izvorišta "Tešanjski kiseljak" utvrđena je u skladu sa članom 5. Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnadbijevanje stanovništva - u daljem tekstu: Pravilnik ("Službene novine Federacije Bosne i Hercegovine", broj: 88/12), koja se odnose na izvorišta mineralnih podzemnih voda.

(2) Prema stepenu opasnosti od zagađenja i drugih štetnih uticaja koji mogu nepovoljno djelovati na zdravstvenu ispravnost vode ili na izdašnost izvorišta "Tešanjski kiseljak", uspostavlja se:
- Prva zaštitna zona (zona izvorišta).

(3) Zaštitna zona izvorišta "Tešanjski kiseljak" prikazana je na karti mjerila 1:2500 (prilog).

(4) U zoni izvorišta primjenjuju se sanitarno-tehničke mjere na način utvrđen ovom Odlukom.

III OBUHVAT I GRANICE ZAŠTITNE ZONE

Član 4.

(1) Granica prve zaštitne zone izvorišta "Tešanjski kiseljak" određena je u skladu sa članom 7. Pravilnika u kojem je propisano da granica I (prve) zone zaštite bude na udaljenosti ne manjoj od

dvadesetpet (25) metara od vanjskih kontura vodozahvatnog objekta ili vanjskih kontura geoloških formacija na terenu (jame, ponori i sl.).

(2) Prva zaštitna zona izvorišta "Tešanjski kiseljak" obuhvata prostor oko bušotina mineralne vode IRB-1, IRB-2 i IRB-3 na udaljenosti 10-25 m, te zonu rasjeda dolinom Raduške rijeke u pojasu širine 50 m, odnosno vanjske konture udaljene 25 m od korita Raduške rijeke.

(3) Zemljište prve zaštitne zone izvorišta "Tešanjski kiseljak" koje obuhvata prostor oko vodozahvata (bunar mineralne vode) nalazi se na parcelama k.č.2299/2 (bunar IRB – 1); k.č. 2263/1 (bušotina IRB-2) i k.č. 2260/4 (bušotina IRB-3), koje je u vlasništvu Bećarević (Alije) Elvira vlasnika preduzeća "ZEMA" doo Tešanj.

Zemljište prve zaštitna zona izvorišta "Tešanjski kiseljak" koja obuhvata prostor u zoni rasjeda dolinom Raduške rijeke nalazi se na dijelovima parcela k.č. 2299; k.č. 2296; k.č.2295/6; k.č.2295/7; k.č. 2295/8; k.č. 2295/9; k.č. 2260/3; k.č. 2882; k.č. 2260/1; k.č. 2260/4; k.č. 2261/3; k.č. 2873; k.č. 2262; k.č. 2279/2; k.č. 2279/1; k.č.2280 i k.č.2281.

(4) Površina prve zaštitne zone izvorišta "Tešanjski kiseljak" oko vodozahvatnog objekta (bušotine mineralne vode) je oko 0,05 ha.

Površina prve zaštitne zone izvorišta "Tešanjski kiseljak" koja obuhvata prostor u zoni rasjeda dolinom Raduške rijeke je oko 2,5 ha.

(5) Granice prve zaštitne zone izvorišta "Tešanjski kiseljak" prikazane su na karti u prilogu.

IV ZAŠTITNE MJERE

Član 5.

(1) Na području prve zaštitne zone u zoni vodozahvata (bušotine IRB-1, IRB-2 i IRB-3) mogu se, uz primjenu potrebnih mjera zaštite, nalaziti kaptažne građevine, rezervoari, pumpne stanice, prilazni i unutrašnji putevi i drugi objekti

koji su neophodni za rad vodozahvatnih objekata i kompletnog sistema.

Član 6.

(1) Područje prve zaštitne zone izvorišta u zoni vodozahvata mora biti zaštićeno od neovlaštenog pristupa čvrstom i sigurnom ogradom, ne nižom od 2 m, kao i drugim mjerama fizičke zaštite i osiguranja.

(2) Područje prve zaštitne zone izvorišta u zoni koje obuhvata prostor u zoni rasjeda dolinom Raduške rijeke neće se ograditi zaštitnom ogradom već će se u ovoj zoni samo postaviti table sa upozorenjem o neposrednoj blizini izvorišta.

(3) Pristup području prve zaštitne zone u zoni vodozahvata dozvoljen je samo zaposlenicima koje odredi preduzeće "ZEMA" doo Tešanj i nadležnim inspekcijским organima za vrijeme vršenja kontrole, kao i drugim licima uz posebnu dozvolu i evidenciju korisnika vodozahvatnih objekata.

Član 7.

(1) "ZEMA" doo Tešanj dužno je održavati postavljenu ogradu u ispravnom stanju i sprovoditi elektronsko i/ili fizičko obezbjeđenje prve zaštitne zone i objekata u njoj.

(2) "ZEMA" doo Tešanj mora osigurati bušotine mineralne vode od uticaja površinskih i oborinskih voda.

Član 8.

(1) U granicama I zaštitne zone zabranjuju se slijedeće aktivnosti:

- izgradnja novih urbanih naselja;
- proširenje postojećih urbanih naselja;
- individualna stambena izgradnja uz korištenje samostalnih sistema za tretman otpadnih voda (npr. septičke jame);
- izvođenje ili obavljanje bilo kakvih aktivnosti koje izazivaju i/ili pospješuju eroziju tla;
- iskopi u vodonodnom sloju;

- izgradnja i rad kamenoloma i drugih pozajmišta materijala;
- minerski i drugi građevinski radovi koji nisu u funkciji vodosnadbijevanja, a koji mogu poremetiti kompoziciju vodonodnih slojeva;
- izvođenje istražnih radova za naftu, mineralne vode, zemni plin kao i druge materije koje mogu ugroziti
kvalitet vode na izvorištu;
- izgradnja i rad transformatorske stanice i manevarskih vojnih poligona;
- izgradnja novih, korištenje ili proširenje postojećih grobalja;
- ispuštanje nepročišćenih otpadnih voda;
- izgradnja i rad postrojenja za tretman urbanih otpadnih voda;
- odlaganje bilo kakvog čvrstog, građevinskog, komunalnog i drugog otpada;
- izgradnja i rad sanitarnih deponija;
- izgradnja i rad postrojenja za tretman mulja u sastavu postrojenja za tretman otpadnih voda;
- izgradnja i rad postrojenja za tretman životinjskog otpada;
- podzemna i površinska eksploatacija mineralnih sirovina, izgradnja i rad objekata za deponovanje, mljevenje i
preradu sirovina i jalovine;
- izgradnja i rad industrijskih pogona koji mogu biti opasni po kvalitet vode (rafinerije, pogoni metalne, hemijske i gumarske industrije, industrije papira i celuloze, kožarske i prehrambene industrije);
- izgradnja gasne, termo i nuklearne elektrane;
- skladištenje industrijskih sirovina i hemikalija opasnih za vodu;
- skladištenje i deponovanje radio-aktivnih tvari i otpada;
- skladištenje i deponovanje šljake i pepela;
- deponije industrijskog otpada opasnog za kvalitete vode na izvorištu;
- deponije industrijskog otpada bezopasnog za kvalitete vode na izvorištu;
- izgradnja i rad industrijskih kanalizacionih sistema;
- izgradnja i rad postrojenja za tretman industrijskih otpadnih voda;
- ispuštanje ili akumuliranje neprečišćenih industrijskih otpadnih i rashladnih voda;
- izgradnja autocesta i cesta rezervisanih za motorni saobraćaj;
- izgradnja urbanih prometnica i pripadajućih objekata (parkirališta, mostova, tunela...);
- izgradnja depoa za teška vozila;
- izgradnja i rad autobusnih stanica i terminala;
- izgradnja željezničkih pruga, ranižirnih stanica i terminala;
- izgradnja i rad aerodroma ili poletno-sletnih staza za korištenje u zračnom saobraćaju;
- izgradnja i rad cjevovoda za transport tekućina opasnih za kvalitet vode;
- cestovni transport hemikalija, tečnih goriva i drugih opasnih materija;
- nadzemni i podzemni spremnici;
- pretakališta;
- benzinske stanice uz saobraćajnice;
- skladištenje ograničenih količina lož ulja ili pogonskog goriva za poljoprivredne strojeve za potrebe
individualnih domaćinstava;
- intenzivna stočarska i peradarska proizvodnja;
- stočarska i peradarska proizvodnja za vlastite potrebe pojedinačnih domaćinstava;
- deponovanje čvrstog ili tečnog stajnjaka za pojedinačna domaćinstva;
- intenzivna ispaša stoke;
- napajanje stoke iz površinskih vodotoka;
- skladištenje đubriva i pesticida;
- poljoprivredna proizvodnja praćena intenzivnim korištenjem vještačkih đubriva, stajnjaka, pesticida, herbicida i
insekticida;
- navodnjavanje prečišćenim otpadnim vodama;

- poljoprivredna proizvodnja zdrave hrane bez korištenja vještačkih đubriva, stajnjaka, pesticida, herbicida i

insekticida;

- prirodni uzgoj trave bez upotrebe đubriva i drugih agrotehničkih mjera;

- nekontrolisana sječa i krčenje šume;

- izgradnja i rad sportsko-rekreativnih i banjsko lječilišnih objekata;

- kampovanje ili drugi vid organizovanog okupljanja ljudi u prirodi;

- izgradnja i rad otvorenih sportskih terena;

- izgradnja i rad igrališta za golf;

- izgradnja i rad skijališta;

- turističke aktivnosti (splavarenja, rafting...);

- rekreacioni i sportski ribolov;

- korištenje plovnih sredstava sa motorima sa unutrašnjim sagorijevanjem.

(2) U granicama I zaštitne zone dopuštaju se, uz standardne mjere zaštite slijedeće aktivnosti:

- izgradnja kanalizacija i drugih infrastrukturnih instalacija koje omogućuju redovno funkcionisanje objekata vodozahvatnog područja;

- prirodni uzgoj trave bez upotrebe đubriva i drugih agrotehničkih sredstava.

(3) U granicama I zaštitne zone dopuštaju se, uz standardne i dodatne mjere zaštite slijedeće aktivnosti:

- kontrolisana sječa i krčenje šume.

(4) U zoni rasjeda dolinom Raduške rijeke, duž kojeg iz dubljih dijelova zemlje dotiču mineralne vode i CO₂ zabranjuje se izvođenje geoloških istraživanja bez posebnog odobrenja, odnosno izvođenje bušotina koje mogu ugroziti režim i kvalitet mineralne vode izvorišta "Tešanjski kiseljak".

(5) Aktivnosti na provođenju mjera zaštite u I zaštitnoj zoni izvorišta "Tešanjski kiseljak" provoditi će "ZEMA" doo Tešanj.

V IZVORI I NAČIN FINANSIRANJA

Član 9.

(1) Finansiranje provođenja mjera zaštite u I zaštitnoj zoni izvorišta "Tešanjski kiseljak" vršiti će "ZEMA" doo Tešanj.

VI NADZOR NAD PROVOĐENJEM ODLUKE

Član 10.

(1) Nadzor nad provođenjem ove Odluke vrši nadležni organi Zeničko-dobojskog kantona i Općine Tešanj.

(2) Inspeksijski nadzor vrši vodna inspekcija u skladu sa nadležnostima utvrđenim zakonom.

VII KAZNENE ODREDBE

Član 11.

(1) Novčanom kaznom od 1.000,00 do 5.000,00 KM kaznit će se za prekršaj pravno lice:

a) ako ne postupa u skladu sa članom 6. stav 1. i 2. Odluke

b) ako ne izvrši obezbjeđenje predviđeno članom 7. Odluke;

b) ako vrši aktivnosti koje su zabranjene članom 8. Odluke;

(2) Za prekršaj iz stav 1. ovog člana kaznit će se i odgovorno lice u pravnom licu novčanom kaznom u iznosu od 100,0 do 1.000,00 KM.

Član 12.

(1) Novčanom kaznom od 100,00 do 500,00 KM kazniti će se za prekršaj fizičko lice ako vrši radove

ili obavlja aktivnosti protivno zaštitnim mjerama propisanim u članu 8. ove Odluke.

PREDSJEDAVAJUĆI VIJEĆA
Senad N. Subašić, s. r.

VIII PRELAZNE I ZAVRŠNE ODREDBE

Broj:01-24-5-1730-6/15
Datum: 17.08.2016.godine

Član 13.

(1) Sastavni dio ove Odluke je grafički prilog na kome su prikazane granice zona sanitarne zaštite izvorišta.

Na osnovu Člana 371., a u vezi sa članom 374. Zakona o stvarnim pravima ("Službene novine FBiH", broj: 66/13 i 100/13) i člana 14. Statuta Općine Tešanj ("Službeni glasnik Općine Tešanj", broj: 11/07), Općinsko vijeće Tešanj, na svojoj redovnoj 43. sjednici održanoj dana 15.08.2016.godine, d o n o s i

Član 14.

(1) Na području I zaštitne zone izvorišta "Tešanjske kiseljak" izvršiti će se uređenje prostora i provođenje zaštitnih mjera u skladu sa ovom Odlukom i Elaboratom zaštite u roku od 6 mjeseci od dana stupanja na snagu.

ODLUKU
o izmjenama Odluke o
građevinskom zemljištu

Član 1.

Ovom Odlukom vrši se izmjena Odluke o građevinskom zemljištu ("Službeni glasnik Općine Tešanj", broj: 1/11 i 10/11).

(2) "ZEMA" doo Tešanj je dužna izvršiti radnje predviđene ovom Odlukom u roku od jedne godine od dana stupanja na snagu.

Član 2.

(3) Sredstva potrebna za realizaciju aktivnosti iz stava 1. i 2. ovog člana obezbijediti će "ZEMA" doo Tešanj.

Član 1. Odluke o građevinskom zemljištu se mijenja i glasi: "Ovom Odlukom se određuje prostorni obuhvat građevinskog zemljišta Općine Tešanj, propisuju zone građevinskog zemljišta, naknada za uređenje građevinskog zemljišta i naknada za korištenje građevinskog zemljišta, način i rokovi plaćanja naknada."

Član 15.

(1) Ukoliko kod sprovođenja mjera zaštite izvorišta iz ove Odluke nastupe štete ili štetne posljedice za vlasnike nekretnina proistekle iz zabrana ili ograničenja, koncesionar izvorišta "Tešanjski kiseljak" dužan je vlasnike obešteti.

Član 3.

Član 2. Odluke o građevinskom zemljištu se mijenja i glasi:

Član 16.

(1) Služba za katastar, urbanizam i imovinsko pravne poslove dužna je u roku od 30 dana od dana usvajanja ove Odluke granice zona sanitarne zaštite prenijeti na prostorno plansku dokumentaciju.

"Građevinsko zemljište može biti u vlasništvu pravnih osoba javnog prava (općina, grad, kanton, entitet, država, javno preduzeće, ustanove i dr.) kao i u vlasništvu fizičkih lica i drugih pravnih osoba.

Član 17.

(1) Ova Odluka stupa na snagu narednog dana od dana objavljivanja u "Službenom glasniku Općine Tešanj".

Član 4.

Član 3. Odluke o građevinskom zemljištu se mijenja i glasi: "Općina Tešanj upravlja i raspolaže građevinskim zemljištem na način i pod uslovima propisanim Zakonom o stvarnim pravima ("Službene novine FBiH", broj: 66/13 i 100/13)."

OPĆINA TEŠANJ
OPĆINSKO VIJEĆE

Član 5.

Članovi od rednog broja 4. do rednog broja 32. Odluke o građevinskom zemljištu ("Službeni glasnik Općine Tešanj", broj: 1/11 i 10/11) brišu se.

Član 6.

Ova Odluka stupa na snagu narednog dana od dana objavljivanja u "Službenom glasniku Općine Tešanj."

**OPĆINA TEŠANJ
OPĆINSKO VIJEĆE****PREDSJEDAVALJUĆI VIJEĆA****Senad N. Subašić, s. r.****Broj: 01-31-8-211-78/16****Datum: 17.08.2016.godine**

Na osnovu člana 363. stav 3. tačka 5. Zakona o stvarnim pravima ("Službene novine FBiH", br. 66/13 i 100/13), člana 4. tačka c Pravilnika o postupku javnog konkursa za raspolaganje nekretninama u vlasništvu Federacija Bosne i Hercegovine, kantona, općina i gradova ("Službene novine FBiH", br. 17/14) i člana 14. Statuta Općine Tešanj ("Službeni glasnik Općine Tešanj", br. 11/07), Općinsko vijeće Tešanj, na svojoj redovnoj 43. sjednici održanoj dana 15.08.2016.godine, donosi

ODLUKU**o prodaji zemljišta radi oblikovanja parcele
na lokalitetu Novo naselje Krndija****Član 1.**

ODOBRAVA SE prodaja zemljišta radi oblikovanja građevinske parcele označenog kao:

- k.p.br. 325/62 zv. "Krndija" oranica/njiva 6. klase površine 29m² i

- k.p.br. 325/63 zv. "Krndija" oranica/njiva 6. klase površine 363m²

upisano za K.O. Tešanj I korisnik Općina Tešanj sa dijelom 1/1.

Član 2.

Zemljište se nalazi u obuhvatu Urbanističkog plana Tešanj ("Službeni glasnik Općine Tešanj", broj: 6/88 i 7a/09) unutar zone predviđene za mješovitu izgradnju.

Član 3.

Ovlašćuje se Općinski načelnik da može u ime Općine Tešanj zaključiti ugovor sa Rožajac (Emin) Sejadom iz Tešnja, kao i poduzeti eventualno druge potrebne radnje vezano za prodaju zemljišta iz člana 1. ove Odluke.

Član 4.

Ovlašteni sudski procijenitelj izvršio je procjenu vrijednosti zemljišta člana 1. ove Odluke u skladu sa važećim zakonskim propisima koja iznosi 12,00KM po 1m².

Član 5.

Sve troškove u vezi prenosa prava na zemljištu iz člana 1. ove Odluke, snosi budući vlasnik zemljišta.

Član 6.

Ova Odluka stupa na snagu narednog dana od dana objavljivanja u "Službenom glasniku Općine Tešanj."

**OPĆINA TEŠANJ
OPĆINSKO VIJEĆE****PREDSJEDAVALJUĆI VIJEĆA****Senad N. Subašić, s. r.****Broj: 01-31-1-846-2/16****Datum: 17.08.2016.godine**

Na osnovu člana 363. stav 3. tačka 5. Zakona o stvarnim pravima ("Službene novine FBiH", br. 66/13 i 100/13), član 4. tačka c). Pravilnika o postupku javnog konkursa za raspolaganje nekretninama u vlasništvu FBiH, kantona, općina i gradova ("Službene novine FBiH", br. 17/14) i člana 14. Statuta Općine Tešanj ("Službeni glasnik Općine Tešanj", br. 11/07), Općinsko vijeće Tešanj, na svojoj redovnoj 43. Sjednici održanoj dana 15.08.2016.godine, donosi

ODLUKU**o prodaji zemljišta
neposrednom pogodbom****Član 1.**

ODOBRAVA SE prodaja zemljišta neposrednom pogodbom radi oblikovanja građevinskih parcela.

Član 2.

Zemljište iz Člana 1. ove Odluke upisano je u PL br. 832 K.O. Tešanj I i označeno je kao;

- k.p. broj: 1524/2 zv."Krndija" ostalo neplodno zemljište površine 312 m² (prema podacima zemljišne knjige k.č. broj: 295/6 upisano u zk uložak broj: 8777 K.O. Tešanj) i

- k.p. broj: 1524/11 zv."Krndija" ostalo neplodno zemljište površine 255 m² (prema podacima

zemljišne knjige k.č. broj: 295/7 upisano u zk uložak broj: 8777 K.O. Tešanj).

Član 3.

Ovlašteni sudski procjenitelj u skladu sa važećim zakonskim propisima izvršio je procjenu zemljišta iz Člana 2. ove Odluke u iznosu od 68,25 KM/m².

Član 4.

Ovlašćuje se Općinski načelnik da može u ime Općine Tešanj zaključiti Ugovor:

- o prodaji zemljišta iz Člana 2. alineja 1. sa "Hifa" doo Tešanj,

- o prodaji zemljišta iz Člana 2. alineja 2. sa "Hifa-Oil" doo Tešanj.

Ovlašćuje se Općinski načelnik da može u ime Općine Tešanj da poduzme eventualno i druge potrebne radnje vezano za prodaju zemljišta iz Člana 2. ove Odluke.

Član 5.

Sve troškove u vezi prenosa prava na zemljištu iz Člana 2. ove Odluke, troškove zaključenja ugovora, plaćanje poreza i troškove provođenja ugovora snose budući vlasnici zemljišta.

Član 6.

Sastavni dio ove Odluke je kopija katastarskog plana za K.O. Tešanj I sa označenim predmetnim parcelama.

Član 7.

Ova Odluka stupa na snagu narednog dana od dana objavljivanja u "Službenom glasniku Općine Tešanj."

**OPĆINA TEŠANJ
OPĆINSKO VIJEĆE**

PREDSJEDAVAJUĆI VIJEĆA

Senad N. Subašić, s. r.

Broj: 01-31-8-211-17/16

Datum: 17.08.2016.godine

Na osnovu člana 363. stav 3. tačka 5. Zakona o stvarnim pravima ("Službene novine FBiH", br. 66/13 i 100/13), člana 4. tačka c Pravilnika o postupku javnog konkursa za raspolaganje nekretninama u vlasništvu Federacija Bosne i Hercegovine, kantona, općina i gradova ("Službene novine FBiH", br. 17/14) i člana 14. Statuta Općine Tešanj ("Službeni glasnik Općine Tešanj", br. 11/07), Općinsko vijeće Općine Tešanj, na svojoj 43. redovnoj sjednici, održanoj dana 15.08.2016.godine, donosi

ODLUKU**o prodaji zemljišta kod zgrada kolektivnog stanovanja na Krndiji u Tešnju****Član 1.**

ODOBRAVA SE radi oblikovanja parcela prodaja zemljišta u vlasništvu Općine Tešanj koje je označeno kao:

- k.p.br. 390/13 zv. "Gradilište" dvorište površine 410m²,

- k.p.br. 390/12 zv. "Gradilište" dvorište površine 45m²,

- k.p.br. 390/5 zv. "Gradilište" dvorište površine 24m²,

sve parcele su upisane u PL br. 832 za K.O. Tešanj I korisnik Općina Tešanj sa dijelom 1/1.

Član 2.

Zemljište se nalazi u obuhvatu Urbanističkog plana Tešanj ("Službeni glasnik Općine Tešanj", broj: 6/88 i 7a/09) u zoni kolektivnog stanovanja.

Član 3.

Ovlašćuje se Općinski načelnik da može u ime Općine Tešanj zaključiti ugovor i poduzeti eventualno druge potrebne radnje vezano za prodaju zemljišta iz člana 1. ove Odluke.

Ugovor o prodaji nekretnina iz člana 1. ove Odluke će se zaključiti između Općine Tešanj i

- za parcelu označenu kao k.p.br. 390/13 za K.O. Tešanj I sa Huskić-Krkalić (Reuf) Mersihom iz Tešnja i

- za parcelu označenu kao k. p.br. 390/12 i k.p.br. 390/5 za K.O. Tešanj I sa Ajanović (Adil) Besimom iz Tešnja.

Član 4.

Ovlašteni sudski procijenitelj je u skladu sa važećim zakonskim propisima izvršio procjenu vrijednosti zemljišta iz člana 1. ove Odluke u iznosu od 24,50KM po 1m².

Član 5.

Sve troškove u vezi prenosa prava na zemljištu iz člana 1. ove Odluke, snose budući vlasnici.

Član 6.

Ova Odluka stupa na snagu narednog dana od dana objavljivanja u "Službenom glasniku Općine Tešanj."

**OPĆINA TEŠANJ
OPĆINSKO VIJEĆE****PREDSJEDAVAJUĆI VIJEĆA
Senad N. Subašić, s. r.****Broj: 01-31-7-1364-2/16****Datum: 17.08.2016.godine**

Općinsko vijeće Tešanj je na svojoj 42. sjednici održanoj dana 15.07.2016. godine, razmatrajući Izvještaj o šestomjesečnom izvršenju Budžeta 2016. godine, donijelo sljedeći

ZAKLJUČAK

Usvaja se Izvještaj o šestomjesečnom izvršenju Budžeta 2016. godine.

**OPĆINA TEŠANJ
OPĆINSKO VIJEĆE****PREDSJEDAVAJUĆI VIJEĆA
Senad N. Subašić, s. r.****Broj: 01-14-6-1695-2/16****Datum: 18.07.2016.godine**

Na osnovu člana 30. Statuta općine Tešanj (Službeni glasnik općine Tešanj" broj:11/07), Zakona o javnim nabavkama ("Službeni glasnik BiH" broj:39/14), u skladu sa Budžetom općine Tešanj za 2016.godinu a na zahtjev Službe za boračko-invalidsku zaštitu i

opće poslove, Službe za društvene djelatnosti i investicije i Službe civilne zaštite, Općinski Načelnik donosi:

ODLUKU**o izmjeni i dopuni Plana nabavki općine
Tešanj za 2016.godinu****I**

Na osnovu ukazane potrebe i zaključenog Ugovora o dodjeli sredstava u sklopu Grant sheme "Unapređenje poduzetničkih zona u Federaciji BiH za 2016.godinu zaključenog između Federalnog ministarstva razvoja, poduzetništva i obrta i Općine Tešanj dana 27.07.2016.godine (protokol broj:02-49-2-1305-8/16) kojim su obezbijedena dodatna sredstva u iznosu od 136.000,00KM od strane Ministarstva i udružena sredstava općine Tešanj u iznosu od 50.000,00KM (sa stavke Podrška projektima i utrošak sredstava kapitalnih grantova viših nivoa vlasti i drugih izvora) a po zahtjevu Službe za društvene djelatnosti i investicije Plan javnih nabavki za 2016.godinu mijenja se tako što se dodaje nova tačka Plana javnih nabavki i to radovi:

- tačka 31. (radovi) Plana "Izgradnja javne rasvjete uz lokalnu cestu Tešanj-Tešanjka kroz industrijsku zonu Bukva", procjenjena vrijednost u Planu 186.000,00KM (sa PDV-om) odnosno cca.159.000,00KM (bez PDV-a), ekonomski kod 821600, planirani postupak nabavke - otvoreni postupak, izvor sredstava Federacija i budžet Općine.

II

Na osnovu zahtjeva Službe za boračko-invalidsku zaštitu i opće poslove (zbog otkazivanja podrške nabavke servera i druge IT opreme od strane Federalne geodetske uprave koja je ranije planirana, a zbog nedostatka sredstava ista otkazana ta rezervisana sredstva za tu namjenu planirana u budžetu općine Tešanj bilo je potrebno je preusmjeriti za nabavku bazne IT opreme za 2016.godinu) Plan javnih nabavki za 2016.godinu mijenja se tako što se:

- tačka 11. (robe) Plana "Nabavka bazne IT opreme za 2016. g - redovno znavljanje", procjenjena vrijednost u Planu 24.786,33KM (bez PDV-a), ekonomski kod 821300, planirani postupak nabavke - otvoreni postupak, mijenja i glasi:

- tačka 11. (robe) Plana "Nabavka bazne IT opreme za 2016. g - redovno znavljanje", procjenjena vrijednost u Planu 33.333,33KM (bez PDV-a), ekonomski kod 821300, planirani postupak nabavke - otvoreni postupak.

III

Na osnovu zahtjeva Službe Civilne zaštite Plan javnih nabavki za 2016.godinu mijenja se tako što se dodaju nove tačke Plana javnih nabavki i to radovi:

- tačka 32. (radovi) Plana "Kopanje potoka Radušica", procjenjena vrijednost u Planu 6.000,00KM (bez PDV-a), ekonomski kod 613714-2404, planirani postupak nabavke - direktni;

- tačka 33. (radovi) Plana "Izrada kamene obaloutvrde na Tešanji", procjenjena vrijednost u Planu 6.000,00KM (bez PDV-a), ekonomski kod 613714-2404, planirani postupak nabavke - direktni;

IV

Briše se tačka 19. (radovi) Plana "Uređenje vodotoka, sanacija klizišta i druge preventivne mjere" iz razloga što su sredstva predviđena ovom tačkom Plana u iznosu od 70.000,00KM utrošena u postupku javne nabavke po Odluci o izmjeni i dopuni Plana nabavki općine Tešanj za 2016.godinu broj:02-2-1-23-5/16 od 17.05.2016.godine a dio sredstava će se utrošiti na način kako je predviđeno stavom 3. ove Odluke.

V

Ova Odluka objavit će se na web stranici ugovornog organa i čini sastavni dio Plana Javnih nabavki.

VI

Ova Odluka stupa na snagu danom donošenja i objavit će se u Službenom glasniku Općine Tešanj.

OPĆINA TEŠANJ
OPĆINSKO VIJEĆE

OPĆINSKI NAČELNIK
Suad Huskić, s.r.

Broj:02-2-1-23-8/16
Datum: 16.08.2016.godine

Na osnovu Uredbe o naknadama troškova za službena putovanja („Službene novine Federacije BiH“, broj: 44/16), a vezano za Smjernice za uspostavu i jačanje interne kontrole kod budžetskih korisnika („Službene novine Federacije Bosne i Hercegovine“, broj 19/05) i člana 30. Statuta Općine Tešanj („Službeni glasnik Općine Tešanj“, broj: 11/07.), Općinski načelnik, donosi

PRAVILNIK **o naknadama troškova za** **službena putovanja**

Član 1.

Ovim pravilnikom utvrđuju se vrste i visine naknada za službena putovanja, kao i postupak ostvarivanja tih naknada za uposlenike u Organu uprave Općine Tešanj.

Član 2.

Uposlenici u Organu uprave Općine Tešanj imaju pravo na naknade troškova koji nastanu u vezi sa službenim putovanjem u inostranstvo i na području Bosne i Hercegovine, a koje se ostvaruju u potpunosti prema odredbama važeće Uredbe o naknadama troškova za službena putovanja koju usvaja Vlada Federacije BiH.

Sve odredbe važeće Uredbe o naknadama troškova za službena putovanja u potpunosti se primjenjuju na realizaciju službenih putovanja uposlenika u Organu uprave Općine Tešanj.

Član 3.

Stupanjem na snagu ovog Pravilnika prestaje da važi Pravilnik o naknadama troškova službenih putovanja br. 02-02-1-5242/09 od 20.11.2009. godine.

Član 4.

Ovaj Pravilnik stupa na snagu danom donošenja i bit će objavljen u "Službenom glasniku Općine Tešanj".

OPĆINA TEŠANJ
OPĆINSKO VIJEĆE

OPĆINSKI NAČELNIK
Suad Huskić, s.r.

Broj: 02-02-1-1463/16
Datum:18.07.2016.godine

Na osnovu člana 29. Uredbe sa zakonskom snagom o ustanovama („Službeni list Republike BiH“ broj 6/92, 8/94 i 13/94) i člana 30. Statuta Općine Tešanj ("Službeni glasnik Općine Tešanj" broj 11/07), Općinski načelnik d o n o s i

R J E Š E N J E
o davanju saglasnosti na imenovanje
direktora Javne ustanove “ Centar za
kulturu i obrazovanje” Tešanj

I

Daje se saglasnost na imenovanje Brka Amira, prof. na mjesto direktora Javne ustanove “Centar za kulturu i obrazovanje” Tešanj.

II

Imenovani se na navedenu poziciju imenuje na period od 4 (četiri) godine.

III

Rješenje se donosi na osnovu provedene procedure Upravnog odbora Javne ustanove “Centar za kulturu i obrazovanje” Tešanj i njihovog prijedloga.

IV

Rješenje o davanju saglasnosti na imenovanje stupa na snagu danom donošenja i bit će objavljeno u „Službenom glasniku Općine Tešanj“.

OPĆINA TEŠANJ
OPĆINSKO VIJEĆE

OPĆINSKI NAČELNIK
Suad Huskić, s.r.

Broj: 03-49-2-1535/16.

Datum: 06.07.2016. godine

S A D R Ź A J

I - AKTI OPĆINSKOG VIJEĆA

Strana

90.	Odluka o zaštitnim zonama i zaštitnim mjerama za izvorište “Tešanjski kiseljak”.....	82
91.	Odluka o izmjenama Odluke o građevinskom zemljištu.....	86
92.	Odluka o prodaji zemljišta radi oblikovanja parcele na lokalitetu Novo naselje Krndija.....	87
93.	Odluka o prodaji zemljišta neposrednom pogodbom.....	87
94.	Odluka o prodaji zemljišta kod zgrade kolektivnog stanovanja na Krndiji.....	88
95.	Zaključak - Izvještaj o šestomjesečnom izvršenju Budžeta 2016. godine.....	89

II - AKTI OPĆINSKOG NAČELNIKA

29.	Odluka o izmjeni i dopuni Plana nabavki općine Tešanj za 2016.godinu.....	89
30.	Pravilnik o naknadama troškova za službena putovanja.....	90
31.	Rješenje o davanju saglasnosti na imenovanje direktora JU “ Centar za kulturu i obrazovanje” Tešanj.....	91

